

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Suliassat nalinginnaasut

Imm. 04 Nunaqarfimmi aqutsisut ataatsimoorussamik qinersisarneq

Imm. 05 Sarfanguani Turistinfossap inaarsarneqarnissaa

Imm. 06 Itillimi ammeriviup iluata qalipannissaa

Imm. 07 Illuaraq takornarissanut tuniniaavissaq

Imm. 08 Iliveqarfiup taluisa iluarsanneqarnissaat

Imm. 09 Ammeriviup tungaanut majuartarfiit

Imm. 10 Illuaqqat uiguleriit pingasut anginngitsut

Imm. 11 Paasissutissiissutit / ilisimatitsissutit

Imm. 12 Tamalaat.



Ataatsimiinneq aallartippoq nal. 10:00

Peqataasut:

Naleraq: Batseba Karlsen, Tukannguaq Dahl

Inuit Ataqtigiit: Anda Berthelsen

Siumut: Pele Enoksen

Nalunaaruteqarlutik peqataanngitsut: Agnethe Berthelsen

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

Akuersissutigineqarput.



Imm. 02 Siulittaasup nalunaarutaa

Siulittaasup tulliata nalunaarutaa

Aalajangiineq

Tusaatissatut tiguneqarput.



Imm. 03 Powerbi

Maleruagassatigut tunngavissat

Karseeqarnikkut Qeqqata Kommunia-ta maleruagassaa.

Innersuussut

Innersuussutigineqarpoq ilaasortanit tusaatissatut tiguneqassasut.

Aalajangiineq

Ilaasortanit tusaatissatut tiguneqarput. Uparuarneqarporli aningaasat atukkat sumut atorsimani
ersinngimmata, ilasortat tamanna ersittariaqartutut naliliiffigivaat. Allaffeqarfimiit tusaatissatut
tiguneqarput, tamannalu nassuiaaserneqarpoq allaffimmi pisortaq aatsaat misiliigami aningaasanut
tunngasunut saqqummiusseriaaseq ilisimaneqanngitsoorsimani. Tamannalu tulliani
aaqqinneqassasoq allaffeqarfimiit ilisimatitsissutigineqarpoq.



Imm. 04 Nunaqarfimmi aqutsisut ataatsimoorussamik qinersisarneq

J.nr.

Tunuliaqutaq:

Oqaluuserisassaq Stabchef-miit oqaluuserisassatut ingerlateqqinneqartoq.

Nunaqarfimmi aqutsisunut aalajangiiffigisassatut qaqinneqassaaq aappaagu qinersisoqalerpat nunaqarfiit sorliit ataatsimoorussamik nunaqarfimmi aqutsisuuffeqassanersut, Inatsisartut inatsisaat naapertorlugu minnerpaamik nunaqarfimmi aqutsisoqarfiit marluk kattuteqqasussaapput.

Innersuussutigineqarpoq ullumikkut aaqqissuussaaneq qinersivimmi tullissaani attatiinnerneqassasoq:

1. Atammik – Napasoq ataatsimoorussamik nunaqarfimmi aqutsisoqarnissaa tallimanik ilaasortaqartumik
2. Sarfannguit – Itilleq ataatsimoorussamik nunaqarfimmi aqutsisoqarnissaa tallimanik ilaasortaqartumik
3. Kangaamiut nunaqarfimmi aqutsisut pingasunik ilaasortaqartumik
4. Kangerlussuaq nunaqarfimmi aqutsisut pingasunik ilaasortaqartumik

Innersuussut

Allaffeqarfiup innersuussutigivaa, oqaluuserineqassasoq aalajangiisoqarlunilu

Aalajangiineq

Ullumikkut aaqqissuussaaneq qinersivimmi tullissaani attatiinnerneqarnissaa akuersissutigineqarpoq.

Taamaattorli oqaaseqaammik ilanngussinissaq aalajangerneqarpoq.

Nunaqarfimmi aqutsisut ataatsimoorussamik Sarfannguit/Itilleq ingerlanerat, siunissami immikkuuleqqinnissaat naliliiffigineqaqqittariaqarnera, ilaasortanit kissaatigineqarpoq.

Naliliiffigineqaqqittariaqarnera ilaasortat tamaarmik isumaqataaffigivaat, nunaqqataasunut malinnaatitsiniarneq ajornakusoortarnera pissutigalugu, aammalu qanimut aqutsisut naaperiaannaasanginnertik ilanngullugu oqaatigaat. Uani qinigaaffimmi qanimut naapinnikuunnginneq aammalu nunaqqatigiit ataatsimiisinnikuunagit ilanngullugu erseqqissaatigineqarluni. Tassani imaatigut angalariarneq nunaqarfimmiit nunaqarfimmut naleqarmat, Nunaqarfimmi Aqutsisut aningaasat aquaat annikeqimmata taakkunangaanniit akilernissaa orniginagu, nunaqarfimmi siuarsaanissamat atornissaat orniginerunera oqariartuutigalugu. Ilangullugu oqariartuutigineqarpoq kissaatigineqarluni angalasarnissamat, nunaqqatigiinnik ataatsimiisitsinissaq aammalu aqutsisunut ilaasortat qanimut naapinnissaanut atugassanik aningaasaliisoqartariaqartoq. Nunaqqatigiit Aqutsisunut tatiginninnerat malinnaatinneqarnerannullu iluaqutaasussaammat.



Imm. 05 Sarfannguani Turistinfossap inaarsarneqarnissaa
j.nr.

Tunuliaqutaq:

Oqaluuserisassanngortitsisoq siulittaasoq Anda Berthelsen.

Illuaraq ukiuni sisamannulersuni inaarsagaq inaartariaqartoq.

Pissutsit atuuttut:

Illuaraq innaallagiaqarpoq igalaavisa taartissai piareeqqapput, iluatalu qalipaateqannginnera taaguutiminullu naleqquttunik atortulersortariaqartoq siulittaasup oqaluuserisassanngortitsinermini siunnersuutigaa.

Innersuussut:

Allaffeqarfiup innersuussutigivaa ilaasortaniit oqaluuserineqassasoq aalajangiisoqarlunilu

Aalajangiineq

Igalaq ataaseq, qalipaatisaalu piniarneqassasut akuerineqarpoq.

Taakkulu piareerpata Sarfannguani Vejformandip suliffissaqartitsiniutai atorlugit inaarsaatitsisulerneqarumaartoq.



Imm. 06 Itillimi ammeriviup iluata qalipannissaa

j.nr.

Tunuliaqutaq:

Oqaluuserisassanngortitsisoq siulittaasoq Amda Berthelsen

Itillimi ammeriviup iluata qalipaateqannginnera pissutigalugu teknikkeqarfimmiit qalipanneqareerpat aatsaat atorineqarnissaa innersuutigisimammagu.

Pissutsit atuuttut:

Illuaraq nunaqarfimmi aqutsisut pilersitaraat, ukiunilu kingullerni inaarsarnera aningaasaliissutit aqutsisut aqutaat atorlugit inerisarneqarnikuulluni, qalipanneqaranilu ilua.

Ammerivittut atortussaammat imermut pitarneqarsinnaanngitsumik qalipanneqarnissaa, qalipattariaqartoq siulittaasup siunnersuutigaa piaartumik atulernissaa anguniarlugu.

Innersuussut

Allaffeqarfiup innersuussutigivaa ilaasortanit oqaluuserineqassasoq aalajangiiffigineqarlunilu.

Aalajangiineq

Qalipaatisaanik piniartoqarnissaa akuerineqarpoq.

Qalipaatisaa pissarsiarineqariarpat Itillimi Handymand neqeroorusiortinneqassasoq qalipatsinnissaanut.



Imm. 07 Illuaraq takornarissanut tuniniaavissaq

J.nr.

Tunuliaqutaq:

Oqaluuserisassanngortitsisoq siulittaasup tullia Batseba Karlsen.

Aningaasat atorluarlugit illuaqqamik tuniniaavimmik pilersitsinissaq siulittaasup tullia siunnersuutigivaa. Kiassagaangitsoq imaluunniit varmepumpe atorlugu kiassarsinnaasumik. Aammalu siunnersuutigalugu nunaqartunut suliaritinnissaa.

Pissutsit atuuttut:

Takornarissat tikikkaangata sila ajortillugu tuniniaavissaaleqisarneq pillugu illuaqqamik tuniniaavissaqqissumik pilersitsisoqarnissaa siulittaasup tullia siunnersuutigaa.

Innersuussut:

Allaffeqarfiup innersuussutigivaa ilaasortanit oqaluuserineqassasoq aalajangiisoqarlunilu.

Aalajangiineq

Akuerineqarpoq.

Tassunga ineriartortitsinermut aningaasaliissutit atorneqassasut aalajangiunneqarpoq.



Imm. 08 Iiveqarfiup taluisa iluarsaanneqarnissaat

J.nr.

Tunuliaqutaq:

Oqaluuserisassanngortitsisoq siulittaasup tullia Batseba Karlsen

Iiveqarfiup taluisa iluarsaannissaat, sanimut siumulluunniit talliutigalugit.

Pissutsit atuuttut:

Iiveqarfiup talui qajannarsinikuuneri ilaalu uppittarlutik apportunera pissutaalluni, taamaattumik siulittaasup tullia siunnersuutigaa iliveqarfiup talui sanimut siumulluunniit talliutigalugit iluarsaanneqarnissaat, aningaasat sinneruttut atorluarlugit. Innersuutigalugulu sanasunut tilbudiliortitsisoqassasq ajornanngippat nunaqarfimmiunik.

Innersuussut:

Allaffeqarfiup innersuussutigivaa ilaasortanit oqaluuserineqassasq aalajangiisoqarlunilu.

Aalajangiineq

Una oqaluuserisassanngortitaq teknikkeqarfimmut ingerlateqqinneqassasq aalajangiunneqarpoq.



Imm. 09 Ammeriviup tungaanut majuartarfiit/ikaartarfiit

J.nr.

Tunuliaqutaq:

Oqaluuserisassanngortitsisoq siulittaasup tullia Batseba Karlsen

Ukiukkut apportusarnera pissutigalugu portulaartunik ammeriviup tungaanut ikaartarfilernissaa/majuartarfilernissaa siunnersuutigivaa. Majuartarfilernissamullu qisuttassaqaareerput. Innersuutigivaalu tilbudiliortitsisoqassasoq sanasumik ilinniarsimasumut.

Innersuussut

Allaffeqarfiup innersuutigaa ilaasortanit oqaluuserineqassasoq aalajangiiffigineqarlunilu.

Aalajangiineq

Akuerineqarpoq.

Qisuttassaqaareermata nunaqarfimmiunut suliarinnittussarsiuussinissaq/neqeroorusiortitsinissaq aalajangiunneqarpoq.



Imm. 10 Illuaqqat uiguleriit pingasut anginngitsut

Tunuliaqutaq:

Oqaluuserisassanngortitsisoq siulittaasup tullia Batseba Karlsen

Takornarissanut avataaniillu tikittunut, nunaqarfiullu iluani pisoqartillugu annertuumik amigaataasarmata perusuersartarfiit. Atorneqarnissaanut innersuutigaa issiavilersugaasinnaasut affai perusuersartarfiullutik. Aammalu katerisimaarnermi grilleriviusinnaasut, silarlutsillugulu tikeraat oqquffigisinnaasaat.

Innersuutigaa aqutsisut aningaasaataannik akilerneqassasut.

Innersuussut

Allaffeqarfiup innersuutigaa ilaasortaniit oqaluuserineqassasoq aalajangiisoqarlunilu.

Aalajangiineq

Illuaqqap ataatsip qisuttassai/atortussai piniarneqarnissai akuerineqarpoq.



Imm. 11 Paasissutissiissutit / ilisimatitsissutit

- Allaffiup pisortaata qaammat August nalunaarutaa Sarfannguit
- Allaffiup pisortaata qaammat August nalunaarutaa Itilleq



Imm. 12 Tamalaat

Ataatsimiinneq naammassivoq Nal. 13³⁰

Audegeth
Tuhaniyaq Oul
Pele Kudnu
Ratseba Kudnu

